



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA*,
QUOD LIBETARIIS DISPUTATIONIBUS
manè discutienda, in Scholis Medicorum, die Jovis octavâ mensis
Februarii, anno Domini M. DCC. LXXVI.

M. CLAUDIO-ANTONIO CAILLE, è Sicietate Edimburgensi,
Doctore Medico, Præsides.

Utrum in Ascite Paracentesim tardare, malum?

I.



UBULIS constat & humoribus corpus organicum. Ejus harmonia ab utrorumque motu pendet. Quâcumque de causâ è vasis contrâ naturam humor exeat, is vitatur, nisi resolutioni cedat. Fluctuat, suppurat, induratur humor, & tumorem facit. Multiplex tumor est. Vel à partibus, vel ab humoribus ortum habet. A duris partibus, ossium luxationes, nodi, exostoses: A mollibus, verarum omnis Herniarum species, ab Omento, Intestino, utroque; & ventriculo, etiâ & Vesica. A quatuor humoribus Antiquorum fat bellè indignantur tumorum natura, genus, indoles. Phlegmone à Sanguine: à Bile Erysipelas: Oedema à Sero: à Melancholico humore Scirrhus. Hisce si jungatur partium varios humores excipientium varia conditio; innumeri alii constituunt tumores. Signa, quæ ad curationis modum, speciem, tempusque ducunt, desumuntur ex læsionum varietate. Taxi, aut Incisione, curatur Hernia, quæ vera est: aliisque tumoribus tractandis, rarò sufficiunt Diæta & Pharmacia. Plerisque curandis, ferro & igne plurimum præstat Chirurgia, tertia Therapeutices pars. Synthesi separata conjungit; Diæresi conjuncta separat; Exæresi intus superflua extrahit. Tres licèt operationes discriminentur, ad perficiendum opus idem, haud infrequenter conlociari amant. In teli extractione in corpus

Deservans

* Auctore M. Hummel, 1740.

2

immissi; Calculi ex Urethra aut Vesica; Aquæ, Sanguinis, Puris, è quâdam cavitâte; id probatur ultrò, liquetque in Paracentesi. Hæc, Latinis punctio, Exareseos est species, quæ eo peragitur temporis puncto, quo Diæresis. Continui separatione factâ, superflui sit ablatio. Sed morbi tempus in quâcumque operatione faciendâ, debet eligi. Vel occasio, vel opportunitas curationis anima est.

I I.

HUMOR quilibet extrâ vasa latitans, durâ mollive parte conclusus, nisi discutatur, arte educendus est. Ab ictu, aut casu violento, concutitur cerebrum: largâ tunc manu mittitur sanguis, vulneraria adhibentur. Hæc omnia sapienter tentantur initio: At imperitè, si sola, & funestè tandem; nisi sat citò detur via Terrebatione, quâ sanguis, in pus flecti cereus, ejiciatur foràs. In Hydrocephalo, par operanti modus, cerebri substantiam humor modò non penetrat. Empyema, sectione pectoris; Leucophlegmatia, ubiarum Scarificationibus; Hydrops oculi, Punctione; Ascites Paracentesi curantur: sed omnes ex opportunitate. Pus & aquam educebant veteres Medici. Sine ferro primum, exin cum ferro imponebant Cucurbitulas, ferra mentis, quæ can lentibus partes exulcerabant: At curationem seriùs auspicabantur. Indè ex lentiori humoris educatione, ulcere diuturniori, miserè solvebat morbum Sphacelus frequens. Recentiores Medici, Suppuratos & Hydropicos securiori viâ, minori tædio, ac dolore leviori, sublevant. Scalpello, Lanceolâ, instrumento tandem Tricuspide, aut Veruculo, cum argenteâ fistulâ ex utroque extremitatis latere perforatâ, absolvent opus. Qui veruculo utuntur, rectius agunt. Integumentorum fibras separant, non secant acumine rotundo, citiusque sanatur vulnus. Non amplius forsân perficienda operandi methodus; sed nondum perfectus operationum usus. Pleraque feliciores essent, atque Paracentesis, si tempore celebrarentur convenientiori. Medici est, non tantum ea, quæ ante pedes modò sunt, videre; sed prospicere futura. In Lithotomiâ absque maturâ præparatione sapientique consilio, necatur æger. Aut miserè avellitur, aut fingitur calculus; & pro salute mors est. In magnis vulneribus, aut cum, aut sine facturis; & ab initio, & ad animi deliquium extrahitur sanguis. Sic, quæ solitò fiunt Symptomata, cessant; quæ subsequi solent, præcaventur.

I I I.

VISCERIBUS quamplurimis refertum est Abdomen, vitiis indè quamplurimis obnoxium. Hæc inter, varia sunt Hydropum genera. Horum contrâ naturam affectuum causæ, læsa sanguiferorum, lymphaticorumque structura; Viscerum obstructio. Tunicis vasa constant retium instar contextis. Quò sanguis diutius hæret, eò magis hiat tunicarum textura, disfluitque serum copiosius. Ligata in cane vena jugularis factum probat. Cutem inter capitique membranas & musculorum colli interstitia, serum diffunditur. Lymphatica, si absque ruptione, dilatentur ultîa modum; cystide conclusus aqueus humor magno crescit volumine, Hydatidasque procreat. Viscerum obstructio impedimenta parit sanguini. Hinc hydrops, qui ab iustero, lethalis. Dissectis Hydropicorum cadaveribus, in Abdomine tumores varii, frequentesque Scirrhus. Vitiato diutius fibrarum tono, Interpositis undique obicibus, patentiores sunt tunicarum pori, morâ ampliantur viæ procliviores. In Leucophlegmatâ venter intumescit, & corpus univèrsum: In Tympanitide, tumet statibus; In Ascite, sæpiùs Sero, Chylo rariùs effuso, solus primum distenditur. Hydrops ille, quo, ut in utre, Aqua continetur, sedem habet eo in spatio, quod Peritonæum inter & Intestina vacuum est. Extremis levibusque digitis uno percussus latere Venter, in altero sensum præbet humoris fluctuantis intus. Aquosus ille tumor, retardatâ convenienti curatione, sensim increscit. Abdomen præter, & Pudenda, & Femora, & Pedes occupat, totumque corporis habitum afficit. Jam vehiculo de-

3
fraudatur purpureus latex, hæret ubique; &c. dum diffuso latè sero immergitur machina, sanguis crassitie mentitur in vasis corallum. Ingruunt febricula, ut plurimum urens; vehemens sitis; Urina admodum pauca, crassa, lateritia; Spirandū difficultas; corporis superiori parte marcor; molesta Tussis. Tot lethalia Paraceti præcauentur tempestivè faciā. Mochlica his in casibus propinare, sanguinem est exprimere quasi torculo. Sic curati, sanguinis icū repentino sæpè tolluntur. Aficiit igitur verus nimis, vel recentior, impar est Punctio. Aut jam desperatus, aut nondum factus est, morbus. At, ubi primum est vera certaque feri fluctuatio, constans Aficites declaratur. Hic, adhibitis incausum interioribus remediis, punctum est non procrastinandæ Paraceti teos.

I V.

[illegible]

v.

ANTIQUORUM nonnulli, membranam Peritonæi inimicam Punctionis, Paracentesi spiritus excludi, Infirmari vires, Aquam jecinore affecto frustrâ emitti, pronuntiabant. At Peritonæum, & in Gastrographiâ coalefcit: Spiritus & vires non magis infirmantur, quam in Phlebotomiâ: Ascites jecoris unius non vitium est; ex affecto splene, totiusque corporis malo habitu fit. Inanis igitur timor est talis cautio. Timendum immò, si tardius expellatur fluctuans humor, morâ ne noceat diuturniori. Licet non semper sanet extractus, detecto eledoque morbi tempore, in Paracentesi tamen una salus. Levat ægrum Aquarum Eductio, locumque facit Medicinæ, quam inclusus intus humor impedit. Asclepiades, Soranus, Themiso, alique, hæc curatione merito adverstati sunt Erasistrato, Evenorio, Theflalo. Testantur lat citò faciâ Paracentesi, non paucos evasisse; plurimoque tardante consilio medentium, mori. Elatre Solidorum in dies magis debilitato,

fibrarum sit Atonia. Perverso præditive musculorum Abdominis, Diaphragmatis, Pulmonum, motu, Excretiones singulæ, omnisque generis feriantur vitianturque secretiones. Peractâ seriis Paracentesi, prima citò redit morbi facies & aquosus tumor. Interrupto diutius serum inter & vasa commercio, nullus tandè datur derivationi locus. Stagnat hebes humor; serum corrumpitur; gravius læduntur viscera; vires confidunt; ad ruinam fluens totum redditur corpus; contingitque tabes, quæ Medicinam nescit. Vitium in substantiâ partium emendare, Nùm humanæ virtutis est? Quorum stomachus jam corruptus est; Qui ex atrâ bile, aut obstruptione, vel scirrho veteri in Hepate, Liene, M. fenterio, Pancreate; Qui malum corporis habitum habent, exhausti inediâ; Qui, aut senes, vel à morbo jam vetusto, juniores licet, huc deciderunt: Paracentesi fortè allevantur, sanantur nunquam. Quibus immò observantur iis contraria, illi sanari possunt, & plerique sanantur. Natura vigens adhuc, Spontè, Diarrheâ, Urinæ fluxu, Metastasi, Ictû fortuito, Criticam hanc aquarum egestionem molitur. Sic Medicina Naturæ Imitatio est.

Ergò in Ascite Paracentesim tardare, malum.

DOMINI DOCTORES DISPUTATURI

M. Claudius-Francisus DU
CHANOY.

M. Joannes-Baptista-Fran-
ciscus DELA RIVIERE,
Consil. Med. Regius ordi-
narius in ejus Castellero.

M. Claudius-Francisus
GRANDCLAS, Eques,
Stanislai primi Polonia-
rum Regis olim Consil-
liarius Med. & Regiorum
Exercituum à Consilia-
rius.

M. Maximilianus-Josephus
LEYS, Materiæ Medicæ
Professor.

M. Guido DANÉ DES-
PATUREAUX.

M. Joannes-Francisus-Cle-
mens MORAND, Eques,
in Regia Scientiarum Aca-
demiâ Pensionarius ordi-
narius.

M. Joannes DESCOMET, M. Cleriadus VACHIER.
Censor Regius.

M. Marinus NOUGUEZ.

Proponebat Parisiis MARIA-ZOROBABEL MUNIER, Parisinus, Regis in Colo-
niis Orientalibus nuper Medicus, Regiæ Invalidorum Ducum & Militum Medicus
à Rege designatus, nec-non Saluberrimæ Facultatis Medicinæ Parisiensis Bacca-
laureus, A. R. S. H. 1776, à sextâ ad meridiem.